


გ ა ჯ ე თ ი ღ ი რ ს :

თვე	წმ.	კ.	თვე	წმ.	კ.
12.	10	—	6	6	—
11.	9	50	5	5	50
10.	8	75	4	4	75
9.	8	—	3	3	50
8.	7	25	2	2	75
7.	6	50	1	1	50

ცალკე ნომერი—ერთი შაური.

„ივერიის“ ტელეფონი № 227.

# ივერიის



რედაქცია **თბილისში**  
ნიკოლოზის ქუჩა, № 10

გაზეთის დასაბარებლად და განცხადებათა დასაბეჭდად უნდა მიმართონ რედაქციას და წერა-კითხვა, გამაერთ. საზოგადოების კანცელირისა.  
**შანი განცხადებისა:**  
ჩვეულებრივი სტრიქონი პირველ გვერდზედ 16 კაპ., მეოთხეზედ—8 კაპ.

„ივერიის“ ტელეფონი № 227.

8 ოქტომბერს გარდაიცვალა

## ნადვორნი სოპანინი ილარიონ გელაძე,

რასაც, გარდაცვალებულის მიუღწეველად და დასაფლავებლად და ნაცნობთ, სთხოვეს მოზრდიანდენ მიცვალებულის დასაფლავებაზე დასასწრებლად ქალაქ ოზურგეთში ხუთშაბათს, 11 ოქტომბერს.

2—218—1

## ქართული თეატრი

ხუთშაბათს, 11 ოქტომბერს 1901 წ.

ქართულის დრამატულის საზოგადოების დასის მიერ  
ბ. ვლ. ალექსი-მესხიშვილის მონაწილეობით  
წარმოდგენილი იქნება

## ბელს ვერ წახსვალ

დრამა 4 მოქმედებად, თარგ, მ. ნასიძისა.

## კალად ავაზაკნი

ვოლ. 1 მოქმედებად, მ. ჟღენტისა.

მანწილობას იღებენ: ქ-ნი გაბუნია-ცაგარლისა, ჩერქეზიშვილი, ლეჟავა, მდივანი, ჩიქოვანი; ბ-ნი: ალექსი-მესხიშვილი, გუნია, სვიმონიძე, გამყრელიძე, გვედევანოვი, შათირიშვილი, ურუშაძე, მირიანაშვილი, იმედაშვილი და სხვ.

დასაწყისი სწორედ 8 საათზედ. ფასები ჩვეულებრივია.

რეჟისორი ვ. ავაზიძე

შემდეგი წარმოდგენა 18 ოქტომბერს; მზადდება „ჯაღო სიყვარულისა“, დრ. 4 მოქ.

(3—5.—2)

## ინჟინერი

გიორგი დეკანოზაშვილი

მიიღებს შემდეგ საინჟინერო სამუშაოს: 1) მანქანების გამოკვლევა; ნავისა, ქვა-ნახშირისა, ვერცხლისა, სპილენძისა და სხვა; 2) წყლის გამოყენებას სასმელად და მამულების სარწყავად, 3) ექსპერტიზას სადავო საქმეებში; 4) პლანების გაკეთებას და სხვა საინჟინერო საქმეს.

ნახვა შეიძლება ყოველ დღე 4—6 საათ. ადრესი: Георгиевская площадь № 32.

(8—5.—4)

## პირველი კერძო სამკურნალო

მაიის ნავასარდიანისა

(ქუჩაში, ვორანცოვის ძველის პირდაპირ) ავთომოთ იღებენ ექიმნი ყოველდღე, კვირა დღეებს გარდა.

დილაობით:

ბ. ა. ნავასარდიანი. 11—12 ს.

სადოსტატო, ვენერიული (სიფილისი) და სხვადასხვა ავადმყოფობანი.

შ. მ. ჩიქოვანი. 9—10 საათ.

სწულეზანი: თვალისა, შინაგანი და ნერვებისა.

ზ. ი. ბაბანასიანი. დილის 11—12 საათ. ქალთა და ბავშვთა სენით ავადმყოფებს.

## მედიცინის და მღვდელთმშობლის

ბის კარის თავმჯდომარე აუწყებს ყველას, ვისაც-კი ჰსურს კრებაზედ მონაწილეობა ვიილოს, რომ კრება დაიწყება 14 ოქტომბერს, დღის 12 საათზედ კავკასიის სამიპერატორო სასოფლო-სამეურნეო საზოგადოების სადგომში.

საქრო ცნობებისათვის მსურველთ შეუძლიან მიმართონ გამოყენებულ მიწათმოქმედების განყოფილებაში კრების საქმის მაწარმოებელს ბ-ნს ვიშნევსკის დილის 10—12 საათამდე, ხოლო შემდეგ სამ საათამდე სასოფლო-სამეურნეო საზოგადოების ბიუროში.

(3—200—3)

## ტფილისის კერძო სამკურნალო

ავადმყოფთათვის კრაოტები (ერთი უფასოა).

მიხეილ გელაძისა.

ქუჩა, ნიკოლოზის ქუჩა, სახლი აივანაშვილისა, № 21 (ვორანცოვის ძველის პირდაპირ).

ტელეფონი № 274.

ავადმყოფებს იღებენ ყოველ დღე, კვირა დღეებს გარდა.

დილით:

ბ. ი. შიშინაძე—კბილის სწულეზანი, 8—10 საათ.

მიხეილ გელაძისა—ნერვებისა და წამლობა ელექტრონით, 9—10 საათ.

პ. გ. ფედოროვი. შინაგან და პეპტებისა. 9—10 ს.

ბ. ბ. მაღალაშვილი.—შინაგან; სამშობათობით და ხუთშაბათობით, 10—11 საათ.

ბ. ა. მშლინი—ყურისა, ყელი-სა და ცხვირისა—10—11 საათ.

ი. პ. ახალაშვილი—კბილის სწულეზანი. 10—12 საათ.

ბ. მ. შატილოვი—თვალის, 10—11 საათ.

მაიმიძე მ. ს. ბაქრაძე ბავშვებისა—11—12 ს.

დ. ა. გელაძისა—ნერვებისა და შინაგანი. 12—1 საათ.

ბ. ბ. ბარსუკოვი—დედათა სწულეზანი, ორშაბათობით, ოთხშაბათობით და პარასკეობით 12—1 საათ.

ბ. ლ. მარკვიანი.—საქირურგო, 12<sup>1</sup>/<sub>2</sub>—1<sup>1</sup>/<sub>2</sub> საათ. სამშობათობით. 3—4.

ი. დ. ბავთაბაშვილი. სიფილისისა, კანისა და სხვადასხვა, 1<sup>1</sup>/<sub>2</sub>—2 ს.

ს ა ღ ა მ ო ბ ი თ :

ი. ბ. თუშანიშვილი—დედათა სწულეზანი. 5—6 საათ.

კ ვ ი რ ა ო ბ ი თ :

ბ. ბ. მაღალაშვილი—10—12 ს. შინაგან ავადმყოფობათა.

სამკურნალოს აქვს საწოლი ოთახები.

ფასი რჩევა-დარიგებისა 50 კაპ. ოპერაციები და კრაოტები—მორიგებით.

## ახალი ამბავი

\* \* ტფილისის გუბერნატორი ბ-ნი სევერინი ამ დღეებში კახეთს მიდის.

\* \* დღეს, 10 ოქტომბერს, საღამოს 7<sup>1</sup>/<sub>2</sub> საათზედ, დედათა პირველ გიმნაზიის შენობაში ტფილისის საზოგადო განვითარების კურსების ლექტორების სხდომა დანიშნული, რომელზედაც ლექციების კითხვის მოწეს-რიგების შესახებ ექმნებათ ლაპარაკი.

\* \* მოსკოვის საარქეოლოგო საზოგადოების კავკასიის განყოფილების წესდება მთავრობას უკვე დაუმტკიცებია.

\* \* „Нов. Обоз.“-ს ატყობინებენ დღეებში ბათუმში, რომ ქალაქის მოურავის შობადღი 8 ოქტომბერს მკურნალი გრ. ვოლსკი ამოურჩევიათ. გამგებობის წევრი ივანოვი გაუშავებიათ.

\* \* გზათა სამინისტროს გარდაუწყვეტია რკინის გზის მოიჯარადრეთა და მუშათა შორის განწყობილების მისაწესრიგებლად რაიმე საშუალება შეიმუშავოს.

\* \* როგორც ვახ. „Тифл. Л.“-ს შეუტყვია, ლაპარაკი თურმეა ადრული, ერთი ნაწილი ტფილისის გუბერნიის სასოფლო-სამეურნეო თანხისა გლეხთა საქირობასა და ზოგიერთს სასოფლო-სამეურნეო განკარგებას მოჰმარდეს.

\* \* სართიქალიდან გვატყობინებენ, რომ ამ ათის დღის წინად სოფლის მახლობლად ვიღაც ბოროტ-განმზრახველთ მწყემსი ხოსიტაშვილი მოუკლავთ. საბრალო ხოსიტაშვილი აგერ ათი დღე თურმეა მინდვრათა გდია და პატრონებს არ ანებებენ, ვიდრე გამოძიებელი არ მივა და საქმეს ოფიციალურს მიმართულებას არ მისცემს.

\* \* როგორც შორაპნიდან იუწყებიან, 7 ოქტომბერს, ნაშუადღევს 3 საათზედ, სწრაფი მატარებლის № 1 სადგურზედ მისვლის დროს, ბარგის მზიდველს ერმოლოვს ახვლედიანს ვაგონში შესვლა თურმე უნდოდა იმ დროს, როცა ჯერ მატარებელი არ გაჩერებულყო, ფეხი აუცდა, მატარებელს ქვეშ ჩავარდა და ორივე ხელი მოსწყვიტა. დაზარებულს მაშინვე სამკურნალო დახმარება აღმოუჩინეს და შემდეგ სურამის საავადმყოფოში გაგზავნეს.

\* \* ტფილისის გამგებობას თავისს მოხელეთა დამს მორიგობა შემოუღია. მორიგობა საღამოს 6—9 საათამდე დანიშნული.

\* \* გუშინ, 9 ოქტომბერს, საღამოს 8 საათზედ კავკასიის სასოფლო სამეურნეო საზოგადოების

დარბაზში, აგრონომის ბ-ნი ფირალოვის თავმჯდომარეობით, დაიწყო კავკასიის შინა მრეწველთა კრება. კრება რამდენსამე დღეს გასტანს.

\* \* კავკასიის გამოყენებულ ტფილისის ქალაქის გამგებობის მიერ აღმენებულ ქალაქის პავლიონისათვის გადადებული იყო 5000 მან., მაგრამ, რადგანაც ეს ფული არცერთ, დამატებით დაუხარჯიათ კიდევ 1500 მან.

\* \* 6 ოქტომბერს სამოსამართლო პალატამ განიხილა საქმე ალექსანდრე ტამარაძისა, რომელსაც სიყალბის ჩადენა ჰმარდებოდა, გააუქმა ოლქის სასამართლოს განაჩენი და ბრალდებული გაამართლა. ოლქის სასამართლოსაგან ტამარაძის ერთის წლით საპრობილეში დაპატიმრება ჰქონდა გარდაწყვეტილი.

\* \* პოლიციის მე-4 ნაწილში ახალ ბეზულოვის ქუჩაზე პოლიციელმა იპოვნა ერთი თვის დაბადებული ბავშვი, რომელიც ტფილისის საბებიო ინსტიტუტში იქმნა გაგზავნილი.

\* \* ტფილისის მეორე გილდის ვაქარს ბადალ ნიკიტას ძე ულიბეგოვს გუშინ ტფილისის სამოსამართლო პალატამ გარდაუწყვეტა ზოგიერთი უფლება-უპირატესობათა ჩამორთმევა და პატიმართა გამასწორებელ რაზმში 3<sup>1</sup>/<sub>2</sub> წლით გაგზავნა. ულიბეგოვს ის ბრალი ედებოდა, რომ მას თავის მოსამსახურე თელავის მცხოვრებ ალექსანდრე ვართანოვისთვის, საჩუქრის შეპირებით, ტყუილი უთქმევინებია სამოსამართლოში. ვართანოვს მოსამართლესთან ფიცის ქვეშ ეთქვა, რომ ულიბეგოვმა 260 მან. უკვე გარდაუხდა ივანე ლინოვსა.

წერილი მე-31

კართობა მწარმოებელ კლასთა შორის.— მთავარ ფოსტასთან არსებულ შემნახველ კასის ანგარიში.— რადგანაც იქ შენახულ ფულითა.

საოკრად გაიზარდნენ და გადიდნენ შემნახველი ამხანაგობანი და ხელმოკლეთა ფულის შესანახი სახელმწიფო კასები. გაიზარდა და გადიდდა აგრეთვე იქ შეტანილი ფულიც. პატარა სახელმწიფოებსაც— დანის, შვეიცარიის, ბელგიის— ათ და ასს მილიონობით უწყევით ფული შემნახველ კასებში; ხოლო დიდ საფრანგეთში, სადაც გლეხობა სხვა რომელიმე სახელმწიფოს გლეხობაზედ მდიდარია, სახელმწიფო შემნახველ კასის ფული რამდენსამე ასს მილიონს აღემატება.

ეს ფული საცხები გლეხების, მუშებისა და წვრილ მოსამსახურეთა (ეზოს მცველთა, დამტარებელთა, კონდუქტორთა, ხელზედ მოსამსახურეთა და სხვათა) საკუთრებას შეადგენს, რადგანაც, შემნახველ კასების წესით, კერძო კაცის შესატანი თანხა ერთიდან ორ ათასამდე მანეთითაა განსაზღვრული. ამით სახელმწიფო აიძულებს უფრო მდიდართ, თავიანთი ფული სახელმწიფო საბანკო, სააქციონე-

რო და სხვა კერძო დაწესებულებებში მოათავსონ. დიდ თანხებს, კერძო კაცების მიერ შეტანილს, ამ კაცებში იშვიათად შეზღვევებით, განსაკუთრებით კანტინენტზედ; ას მანეთიანი თანხებიც კი ნახევარზედ ნაკლებია. ფულის შემნახველთა უმრავლესობას გროშების შემტანი ში შეადგენენ, ღარიბნი, რომელნიც ორიოდ კაპიკს ინახავენ შავის ღლისთვის სიბერისა, ავადმყოფებისა, უმუშევრობის დროს ხელის გასამართავად.

მორალისტებსა და ეკონომისტებს ძალიან უყვართ ქება-ღიღობა მუშა კლასთა ყიარათობისა და ეკონომიისა. ყიარათობის მქადაგებელნი მზად არიან იმის დამტკიცებასაც შეუდგნენ, რომ დღევანდელი საზოგადოებრივი უბედურებანი, სიღარიბისა, უფიცობისა და გადაგვარებისაგან წარმომდგარნი, ისეთი უბედურებანი, მაგალითად, როგორსაც დღეს იტალიასა, ირლანდიასა და სხვა ქვეყნებში ვხედავთ, შეიძლება თავიდან აცილებულ იქნენ მუშათა და გლეხთა ყიარათობისა და ეკონომიის წყალობით. ყიარათობის დამკვიდრებას, ე. ი. ჰიგიენურ, გონებრივ და, ასე გასინჯეთ, ადამიანის ზნეობრივ მოთხოვნილებათა დაუკმაყოფილებლობას, ხალხის ეს მეგობარნი უპირველეს სოციალურ სიბრძნედა სთვლიან. და ისეთის მეცადინეობით ავრცელებენ მოძღვრებას ყიარათობის შესახებ, რომ მუშათა ბავშვებსაც კი ურჩევენ შავის ღლისთვის გადასდონ ხოლმე ის იშვიათი გროშები, რომელსაც ათასში ერთხელ დედამა აძლევს ტკბილეულობისა და სათამაშოების შესაძენად. ამ აზრით შე-

მაიღეს საბავშვო და სასკოლო კასები; ამავე აზრით დაარსებულ იქმნა განსაკუთრებული „პენის ბანკები“ (სამ კაპიკიანი ბანკები), სადაც სამ კაპიკიან შესატანს იღებენ. ლონდონში ეხლა ამ პენსებისათვის რკინის გზების დიდ და პატარა სადგურებთან ფულის მექანიკურად მიმღებმანქანებსაც სდგამენ.

ყველა ეს საამო და საქებურია. ყიარათობა, ზომიერება კარგი და სათნო საქმეა. ფლანგვა, ქონების უანგარიშოდ ფანტაჟა ძველადგანვე „უძღებ შეილის“ ავ ზნედ არის მიჩნეული. მაგრამ განა მფლანგვენი არიან დღიური მომუშავენი და გლეხნი, მაგ., იტალიაში, სადაც საშუალო საშუალო ფასი ერთ ფრანკს არ აღემატება და სადაც (ბევრ პრავინციაში) სოფლელი მუშა დღეში 60-დგან 70 სანტიმადე (30—35 კაპ.) იღებს? განა ყიარათი ასეთ შემთხვევაში საქმლის აღკვეთას არ წარმოადგენს, სტრამპის უსაქიროეს მოთხოვნილების დაუკმაყოფილებლობას, თავის განწირვას, დაუძლურებისა, აღრეულ სიბერისა და გადაგვარებისათვის ნიადაგის მოშადებას? მდიდარ ქვეყნებშიც კი, როგორც, მაგალითად, საფრანგეთსა და ინგლისში, ყიარათი მუშათა კლას შორის, ჩვენის აზრით, წარმოადგენს იმ ლუკმა პურის ნაწილს, რომელსაც მოუძღვრებული დედაიკლებს, რძეს, რომელსაც თავის სუსტ შვილებს პირიდან აცლის... არის ხოლმე ისეთი ეკონომიური პირობანი, როდესაც ხალხს ყიარათობის ნაცვლად უნდა ჩაეგონოს აზრი უკეთესის კვებისა, ჰიგიენურად ცხოვრებისა, კარგის ტანისამოსის ხმარებისა. ხალხი, რომელსაც მცირე მოთ-

ხოვნილება აქვს, ყოველთვის მოკლებულია ინიციატივასა და მხნეობას. ასეთი ხალხი თავის ცხოვრების გასაუმჯობესებლად არ ებრძვის არც ბუნებას და არც არსებულ საზოგადოებრივ რუტინას. მოთხოვნილებანი, იმათი დაკმაყოფილება ადამიანის და მთლად ორგანიზულ ცხოვრების მოქმედების მთავარ საფუძველს შეადგენს. თუ მოთხოვნილება მცირეა, სუსტია მოქმედების იმპულსიც. ორგანიზმის სისუსტესთან ცხოვრების მაჯის ცემაც კლებულობს.

უმთავრესი კი ის არის, რომ გროშების ყიარათს ნაყოფიც საცოდავი მოაქვს, თუმცა ერთად ეს გროშები მეტად დიდ თანხას წარმოადგენენ. საუკეთესო მაგალითი ამისი ინგლისია. წარსულ საუკუნის განმავლობაში მთელ დედამიწას იმისა ინდუსტრია, ნავოსნობა და ვაჭრობა ჰბატონობდა. იმისმა მუშა კლასებმა, კავშირებად შეერთებულებმა, უკვე ნახევარი საუკუნეა, რაც ბევრად უფრო დიდი სამუშაო ფასი მოიპოვეს, ვიდრე კანტინენტის მუშებმა. ფულის შექმნის წყურვილი, კომერციონიზმი, ყიარათობა აქ უფრო დიდია, ვიდრე სხვაგან სადმე. ფულის შეტანა და შენახვაც უფრო ადვილია აქ საფოსტო კანტორებთან გამართულ კასების წყალობით (კანტორა-კი აქ 13,341-ია)... მერე რა? ყველა ამის მიუხედავად, უკანასკნელ 40 წლის განმავლობაში მუშა-მწარმოებელ ინგლისის მიერ შენახულ და ყიარათ გაწეულ ფულიდგან თვითეულ მცხოვრებელ მოდის 30 მანეთი 72 კაპიკი. უფრო გასაგებად რომ გადმოგვცე, მკითხველო,

წელიწადში თვითო კაცს თვითო მანეთის ყიარათი გაუწევია. ერთად კი ის ფული, რაც კასებში შეუტანიათ, მეტად დიდ და განსაკუთრებულ თანხას წარმოადგენს—1.229,000,000 მანეთს!

აი ეს დიდი თანხა უბნებს გზაკვალს ყიარათობის მეოხებით მუშათა ცხოვრების გაუმჯობესებისა და პროგრესის მქადაგებელი. მერე, რას ამტკიცებს ეს დიდი თანხა?—იმას, რომ ყველა ერთს საზოგადო გაჭირვების დროს შეუძლიან დიდ ფულს მოუყაროს თავი; რომ დღევანდელ კაცობრიობის ხელში დიდ ძალი ფული ტრიალებს, იმდენად დიდძალი, რომ შეძლებულ მუშათა და წვრილ მოხელეთა პატარა-პატარა შესატანიდგანაც კი სულ უბრალო საქმეა რამდენსამე დღეში მთელის მილიარდების შედგენა.

საუცხოვო მაგალითს ამისას წარმოვიდგენს ხელის მოწერა საფრანგეთისა და სხვა სახელმწიფოების სესხებდ. რაც შეეხება თვით ფულის შემნახველთ, ყიარათის გამწევთ, შენც დამეთანხმები, მკითხველო, რომ 30 მანეთით ჩვეულე-ბრივი ინგლისელი ბევრად ვერ გააუმჯობესებს თავის ცხოვრებას. სულ სხვა იქნება, სახელმწიფო, საზოგადოება და კერძო კაცი მცხოვრებთა მომხმარებლობის გადიდებას რომ სცდილობდნენ. პენნი რა არის, მაგრამ თვითვეულმა კაცმა რომ თითო პენნი მეტი მოიხმაროს და თავის საქიროებაზედ დახარჯოს, მთელ სახელმწიფოს, 40 მილიონ მცხოვრებს, წელიწადში 600 მილიონ მანეთის წარმოება მოემატება.

სამწუხაროდ, დღემდე საუკეთე-

სო საპოლიტიკო და სახელმწიფო მოღვაწენი და ეკონომისტენი სახელმწიფო საქიროებისათვის ხარჯის გადიდებასა და ყიარათობით გადაღებულ ფულის შეკრებას უფრო სცდილობენ, ვიდრე სახალხო მომხმარებლობის გადიდრებას და ხალხისათვის საქონლის წარმოების განვითარებას. მაგრამ მოვა დრო, როდესაც საზოგადოებრივი მეცნიერება შეითვისებს ამ პრინციპს, ხოლო სახელმწიფო მოღვაწენი იხელმძღვანელებენ იმით. მაშინ ბოლო თარიღებზე, შესუსტდება მიწის უცხო-ქვეყნებში ბაზრების ძებნა საქონლის გასასაღებლად. მაშინ ინდუსტრიას, მრეწველობასა და მიწა-მოქმედებას შინაურ ბაზრებშიაც საკმაო საქმე აღმოუჩნდება; დასასრულს, მაშინ საზარალო შექმნება მთლად ეს ბაზრებისათვის მტაცებლობის პოლიტიკა სპარსეთსა, ოსმალეთსა, ჩინეთში, სადაც მცხოვრებთა მომხმარებლობით ნიჭი ვეროპილებთან შედარებით ბევრათ დაბლა სდგას.

3. მარველი

**ქალაქის საბჭო.**

ორშაბათს, 8 ოქტომბერს, ქალაქის მოურავის მოადგილის მ. ს. შესტაკოვის თავმჯდომარეობით შესდგა ქალაქის საბჭოს სხდომა, რომელსაც 28 ხმოსნადე დაესწრო.

პირველად შესტაკოვმა ქალაქის მოურავის გ. ევანგულიოვის გარდაცვალების გამო მიღებულ სამძიმარდებებში შინაარსი აცნობა საბჭოს და შემდეგ, აღნიშნა რა გარდაცვალება საბჭოს ყოფილ ხმოსნის გ. დ. ქართველიშვილისა, რომე-

**ფელეტონი**

**ხალხური ლექსი.**

(გურიაში ჩაწერილი ნ. ა. თავდგირიძის თქმით)

გოგო, გოგო, შავთვალაო,  
ბიჭმა შემოგითვალაო:  
„ან ნომეც ჩემი დანაო“  
„ან წამომყევი თანაო.“

—ვიკი, ვიცი, ვინც არიო...  
„წადი, ასე უთხარო:  
„დღეს წისკვილში დაგიხედები,  
„წვიმა იყო, გინდ ქარო!“

„ბათმანს სიმინდს წამოვიღებ,  
„ვითამ დასაფქვავადაო,  
„წამოვიღებ და წამოვალ  
„შენდა სანახავადაო.

„მერმე სიმინდს ვინ დაქებს,  
„იქ დავტოვოთ წისკვილშიო,  
„წისკვილს გაღმა ტყეში შევჭვრეთ  
„და წავგორდეთ ხის ძირშიო!..“

**ბრუსილოვი მოკლეს.**

(დასასრული \*)

ბურთი ყველას დაავიწყდა. ამდენმა კაცმა, ცხენოსანმა თუ ქვეითმა, ერთად იგრილა მთის ნიაღვარივით და გასწია იქითკენ, საიდანაც ეს შემზარავი ხმა მოისმა. მეც, სხვასავით, ამიტაცა ადამიანების

ცოცხალმა ტალღებმა და ისე გამარბენინეს მთელი ის მინდორი, რომ მიწაზე ფეხი არ დამიდგამს. ბევრი ქალი და ბავშვი, მოხუცი და ჯავკაციც დაშავდა ამდენის ხალხის აზვირთებით ვაქცევაში, მაგრამ მაშინ ვინ ჰფიქრობდა ამას.

— „ბრუსილოვი მოკლეს!.. არ გაუშვით მკვლელი, არ გაუშვით!“ ისმოდა ყოველ მხრიდან და ყველასაგან.

შენიძრენ და მორბოდენ ისინიც, ვინც სოფლათ დარჩენილიყო. ვინ კეტით მიისწრაფოდა, ვინ თოფით ან სხვა იარაღით; ვისაც არაფერი ჰქონდა, ლობეს აძრობდა სარს და იმითი მოეჭარებოდა „არ გაუშვას“ ძახილით. მალე ადამიანებს აპყვა საქონელიც და ყურთა სმენა წაიღო ათას გვარათ ხმა არეულმა ღრიალმა. ელვასავით გამორბინა თავში: ბრუსილოვისათვის თვალი რომ არ მომეშორებინა, იქნება ვერ მოვკლათ და ჩემი შვილი... მაგრამ აზრის დასრულება არ დამცალდა; ეს უზარმაზარი ბრბო უცებ გაჩერდა და, რასაც ვფიქრობდი, დამავიწყებინა, ისე მიმახეთქა ვიღაცებს და მეც მომეხეთქენ ყოველ მხრიდან... რანაირათ ავძვერი თვალ-უწვდენელ კაობიტის შუამდე, ვერ გაგოგე, რადგანაც გონებას მაშინ მოვეგე, როცა იქვე, სულ ახლოს, მომესმა: — „აქ ბრძანდება! ცოცხალია! ნუ გეშინიათ! ცოცხალია!“ გადავიხედე და ბრუსილოვი დავინახე ჩირგვებიდან მომავალი... მაგარ-მაგარ რუსულ სიტყვებს ხარჯავდა ყველა ჩვენებურებზე, გაგულისებული დათვივით

მობღუშურობდა და ისე მოდიოდა... მუხლის თავებზე და, რომ გამშორდა, ნიდაყვებზეც მტვერი დავუნახე... მის უკან მოლაპარაკობდენ მატურათ მოლიმარნი, დაქვეითებული ათიოდე ცხენოსანი თავადი-შვილები. მინდვრათ რომ გამოვიდენ, ერთმანეთს რაღაც ჩაულაპარაკეს, გაიწამოიწიეს და ხალხს დაახვეინეს შუაგულ მინდვრისაკენ; აღარავინ არ დატოვეს იმ მზღვარზე, სადაც მე, ხიდან ჩამოსულა, ვიდგვი.

ერთი მათგანი, შორი ახლო ნაცნობი ჩემი, მომიახლოვდა და მთხოვა მისი ცხენი ცოტა ხნით დამეჭირა სადავით, — აგერ მეზობლისას მინდა ჩავიდე, პირი გავისველოვო. როგორც-კი დამიტოვა ცხენი, მაშინვე მოვაჯვდი უნაგირს და უცნაურმა ცნობის მოყვარეობამ მომხნდომა გადახედვა იმ ჩირგვარისკენ, საიდანაც ბრუსილოვი და ის ცხენოსნები გამოვიდენ... მივანებე ცხენს სადავე და წელის ლარებით გავსცილდი მათ და დობილოში შევრგე თავი. უცებ რაღაცა ძაღლის მსგავსმა ჩამირბინა... ცხენი დაფრთხა, გახტა განზე და, მე, შენი მონა, ტახტის აზნაური, ყრონტი, კაი მაგრა მსდვა ბარდ-გაღოზე, ისე, რომ ხელ-პირი საფანტ-ნაკრავით დამისისხლიანა. როგორც იქნა ავდექი, გადავისვი თვალებზე ხელი, მიმოვიხედე — ცხენი აღარსად ჩნდა. არ შემეწიხებია ამითი მაინც და მაინც თავი — ვიცოდი, ან ის პატრონს მოსძებნიდა, ან პატრონი მას, ახლა საზრუნავათ შემექნა ხელ-

პირის დაბანა. მინდვრით მოსახლეებისას გადავსულიყავი — არ მინდოდა, იქვე შევედექი ბინულის (წყაროს) ძებნას — ხომ მოგვსენებათ, ჩვენში რა ხშირია ეს მიწის ძუძუს მადლიანი რძე... არ გამიდგამს არც ორმოცი ბიჯი, რომ მომესმა წელი ჩუხჩუხი... გავუქპარე, გავედი საცალ ფეხო გზაზე. დობილო გათავდა, დაიწყო ტყე. ჩუხჩუხი უფრო მკაფიოთ მესმოდა, მაგრამ წყალს ვერსად ვხედავდი. დაბნეულ აბზახით მივედენე ჩემს ყურთა-სმენის ალღოს, გადავიარე ის ბილიკი, მივადეგე ეკლითა და კრიკინათი გადაბურდულს ჩირგვს. ძლივს გადავსწივადმოვსწიე აქით-იქეთ ბარდი და დავინახე — პაწაწა ღვლე ქურდულათ მიიპარებოდა იმ ხშირ ეკალ-ბარდში.

გავძვერი, მარა ჩემსავით არ გაჭირვებია არც ჩვენებურს დაუდღეებულს ქათამს ბოსტნის ღობეში გაძრომა. ხელ-პირის დაბანას რომ შევედგე, კაცის ხმა მომესმა. დაავუდგე ყური. ქალების ხმა გავარკვიე... გავკმინდე სული და გადავიქეცი სმენად... ხმა თან-და-თან ახლოვდებოდა.

— ასე წაბრძანდი, ჩემო თვალის სინათლეო!.. აქეთ, ჩემო დიდებო!.. მე მომყევი, ჩემო ბატონო!.. ნუ სწუხარ, შენ შემოგველოს შენი პირმთვარისა!.. შენ არ მომიკვდე, იმან შენ აწი აღარ მიგატოვოს! დიდი კაცია, შენ გენაცვალე, და დიდკაცობის ზნე ხომ იცი: ლამაზ ქალზე რომ გჯლი შეექნება, სანამ სასიყვარულოთ არ

შეეყრება, მანამ არ დაწყნარდება... მე აგერ არ გყავარ, შენ შემოგველოს ჩემი თავი... მაგისთანა საქმეები მომიხერხებია და მომინამუსებია განსვენებულის ჩემის ქალბატონის და შენი დედამთილისათვის?!.. ჰაიბე, ჰაიბე, ჰაიბე!.. ის ხომ არ გეფიქრება, შენ გენაცვალე, რომ ავებ ვინმე შემხედვადო! შენ არ მოუკვდე ჩემს თავს, ისე დროით ნათ გამოვსწიეთ, რომ ჩვენ თვალს ვერავინ მოგვკრავდა. ამის ჯავრნიუ ვაქვს...

ამას ამბობდა აჩქარებით და სულ დაუთქმელათ მოხუცებულო, მოძრო რა ტანის, წელში მოხრილი, ძველ ქათიბა ჩაცმული ქალი. ის გამდელი უნდა ყოფილიყო. მას უკან მოჰყვებოდა ყმაწვილი ქალ-ბატონი, მდიდრულათ ჩაცმული, ლამაზი, თვალტანადი, ისეთი კაი გვარისა და დიდი ოჯახის შვილი რომ... ახლაც გულს ჩამთუთქავს, რომ გამახსენდება... ეტყობოდა ძალიან შეეშინებია გრიად-ღრიალით იმდენი ხალხის მოულოდნელათ თავზე წადგომას. შიშისაგან ქუაუც ოღნავარეული უნდა ჰქონოდა, ისეთს სიტყვებს ხარჯავდა... ჩხუტა-კობი გვერდზე მოქცეოდა, როგორც ბუხრის ქუდი კახელ დარღმინდს; სახე გაფთრებულს, ტუჩებზე ლაინის ფერეკრა, წამოწითლებულს თვალსაყურდგელსავით მიმოატრიალებდა... ეტყობოდა, გამდელს არ უსმენდა მისი გულის ყური არეული იყო... — „ჰო“ რა მოხდა ისეთი, რომ არ ქნილა... ამბობდა ის ზენეში და ნაწყვეტ-ნაწყვეტ... რა იქნა...

\*) იხ. „ივერია“ № 218.

ლიც თითქმის 10 წელიწადი იყო ხმოსნად, სთხოვა საბჭოს პატივი ეცა განსვენებულის სახელისათვის ფეხზედ აღდგომით, რაც შესრულებული იქმნა. აცნობა საბჭოს ბნმა შესტაკოვმა აგრეთვე ის, თუ რა მონაწილეობა მიიღო ქალაქმა საი-ტბილეთო დღესასწაულების გამარ-თვაში. ქალაქის მიერ ამ საქმისათვის დანახარჯ ფულის რაოდენობა დაწვრილებით ჯერ არ არის გამოაკვეული.

შემდეგ საბჭოს განსახილველად წარუდგინა გამგეობის მიერ შედგენილი ქალაქის თვით-მმართველობის ამა მომდინარე 1901 წლის დამატებითი ხარჯთ-აღრიცხვა. სულ ქამდე დახარჯულ და წლის დამლევამდე საჭირო ფულის ჯამი შეადგენს 58,638 მან. ს.ბკომ, გამგეობის მოხსენების თანახმად, დამატებით შეუტყველად დამატებითი ხარჯთ აღრიცხვა და ამასთან ნება დართო გამგეობას ეს გარდა-წყვეტილება ეხლავე წარუდგინოს ტფილისის გუბერნატორის თანამდებობის აღმასრულებელს დასამტკიცებლად.

ამას წინად ტფილისის გუბერნატორმა წინადადება მისცა გამგეობას ახალ ხმოსნების არჩევნების შესახებ; ამაზედ თავისი დადგენილება გამგეობამ გუშინ წინ წარუდგინა განსახილველად საბჭოს, რომელმაც უკამათოდ დამტკიცა იგი. ამ დადგენილებით, ქალაქის გამგეობაში ეხლავე უნდა შეუდგენენ ხმოსანთა საარჩევნო სიების შედგენას და სხვა მზადებას; უნდა გამოცხადებულ იქმას ვახეთების საშუალებით ქალაქის უძრავ ქონებათა პატრონეის საყურადღებოდ,

მთელ ქვეყანას რომ მოუყრია თავი... ბრუსილოვს ჩვენში ვინ შეგედავდა სასიკვდილოდ... ასე როგორ გამოსულელდა ამდენი კაცი... შენ დამიფარე უფალო!... აი, თავს ლაფი დავასხი მანდილაშივლის და მის თარჯიმნობას! კი აზნაური და ვაჟაკი ის არ იყოს!.. ამისთანა საქმეში კაცს თუ უღვაში ასხია, მზირობას იკადრებს?!.. უბძანეს ყარაულობა, უნდა ყყარაულნა... თუ ლაჩრობს და მოყურადებას კადრულობს, ყური მაინც უნდა უვარგოდეს... თვარა... რა იყო თქვენი ქირიმე... რუსის დიდკაცმა... რა უყით მერე...

ქალბატონის რძალო, შენ შემოგვევლოს ჩემი სიცოცხლე, სულ დავიწყე ეს შემთხვევა... გულს ნუ მოიყვან... მალე შენი მტერი და ვი შეჭამოს ქირმა, მალე შენ ისევ იმ დიდ კაცს შეხვდე... არა, ეს კი უნდა ვსთქვა გამოტყვილი, რომ ამ საქმეში რაც მოხდა, ყველა ფერს მიხვდარი ვარ, მხოლოდ ის ვერ გამოვიგია—რა აღრიცხვებდა იმ წუწკ მანდილაშივლის—ბრუსილოვი მოჰკლესო?

— ბეჩა, პირმთვარისა, მანდილაშივლზე უფრო ახლო შენ არ იყავი!.. გამოასულელეებს ჩემი გამჩენი იმას, მაინც არ არის ქუიანი!.. ღენერალმა მაყურბათ შეკრულს ვერაფერი გაუგო... მე მოკლეს ბატონო თქვა, ვუთხარი და... დედა... მართომაგ შერცხვენილმა მანდილაშივლიმა ღრიალი: „ბრუსილოვი მოჰკლეს!.. ბრუსი-

ლომ ვისაც უნდა მონაწილეობა მიიღოს ხმოსანთა არჩევანში, ეხლავე უნდა შეიტანოს მახედ დაჩვენილი გარდასახადი. ამასთან იმ მემამულეებმა, რომელთაც ქალაქის ორ-სამ ნაწილში აქვთ ქონება, აცნობონ გამგეობას, რომელ საარჩევნო ნაწილში ისურვებენ ჩაწერას. საარჩევნო საქმეების სამზადისი დევალა გამგეობის, პირველს განყოფილებას, რომელშიაც დაახლოვებითი მონაწილეობა უნდა მიიღოს ქალაქის მდივანმა ბნმა სტ. თ. ქრელაშვილიმა.

მკითხველებმა უკვე უწყიან, რომ წარსულ მარტში საბჭომ გარდასწყვიტა ქალაქის გამგეობის მეოთხე წევრის არჩევანი გადასდოს ხმოსანთა ახალს არჩევნებამდე; მაგრამ რადგანაც ქალაქის მოურავის ეფანგულოვის გარდაცვალებით შეიცვალა ის პირობები, რომელნიც საბუთად გამოიყენა მაშინ საბჭომ, და ეხლან დელი გამგეობა ვეღარ ასდის საქმეს, გამგეობამ დადგინა სთხოვონ საბჭოს შესცვალოს წინანდელი გარდაწყვეტილება. საბჭომ, ცოტაოდნის კამათის შემდეგ, გარდასწყვიტა გაუქმებულ იქმნას წინანდელი დადგენილება და ქალაქის გამგეობის მეოთხე წევრის არჩევანი მოახდინოს 23 ოქტომბერს. გამგეობის დადგენილებას ქალაქის სააღმშენებლო განყოფილების სავალდებულო დადგენილებათა მე-24 § შეცვლის. შესახებ საბჭო არ დასთანხმდა და ხმის უმეტესობით გარდასწყვიტა, ამორჩეულ იქმნას განსაკუთრებული კომისია, რომელმაც 2 კვირის განმავლობაში უნდა გაარჩიოს აღნიშნული მუხლი და

ლოვი მოჰკლეს!.. ქვე არ წამომაცუნა ამდენი ვერი და დარბასიელი თავზე!..

— მერე და ქირი მოგქამე... ჯა აქ ჩუმათ ჩაუჩურჩულა რაღაც ყურში გამდელმა გაზრდილს.

— ვა-ბეჩა, პირმთვარისა, გამოსულელდი, მეჩინა, ამ სიბერის დღეს... ჩემით რაფა, უნამუსო ვიყავი თუ!..

— ეს... მეტი არაფერი... გულზე გასკდა, რატომ ცოლი ან ქალი არ აირჩია ჩემო, და ვითომ შემარცხვინა... დედა... აბა, რა სირცხვილია თურმე... ქვეყანაში პირველს კაცს, ხელმწიფის ტოლს თუ მოეწონეს!..

— მეტი არ შეგქამოს ქირმა, ღენერლის სიყვარული სირცხვილი და თავის მოჭრა არ იყოს... მარა, ჩემო სულის ღგმა ქალბატონო, რათ არ მიჯვრით, ჩვენთვის არავის მოუკრავს თვალთქო, რომ მოგახსენებო?..

ამ ლაპარაკით ორნივე ჩაცილდენ იმ ადგილს, სადაც ვიყავი და მერე აღარაფერი გამოვიგინა მათგან.

— ძალიან არ ვაგიკვირდებოდა მაგისთანაების ვაგონება! ჩვეუმატე მე.—  
— გაკვირვებით? აჰ... აგდდეს კაცის ზარბაზანი, ვაკვირვება მე მაშინ ამცდა. მაგისთანა საქმეები, ბატონო, იმ დროს, რუსები რომ ახალი შემოსულნი იყვნენ ჩვენში, სულ ხშირი შეიქნა, აღარავის უკვირდა... მაშინდელი მოხუცებულინი რუსებს აბრალებდენ... მარა... აჰ... ეს ტყუილი უნდა იყოს... მართალია, კბილს დალაქი

ხელახლად განსახილველად წარმოუდგინოს საბჭოს.

დასასრულ საბჭოს ეცნობა ქალაქის კასის გაქურდვის ამბავი. ამ ამბავმა ძალიან გააოცა ხმოსნები. მათ მოითხოვეს ცნობები იმის შესახებ, რა წესია მიღებული ქალაქის ქანების დასაცველად ბოროტგანმზრახველთაგან. წარდგენილმა ცნობებმა ვერ დააკმაყოფილა ზოგიერთი და მოითხოვეს, გამგეობამ ვრცელი მოხსენება წარადგინოს ამის შესახებ, რათა საბჭომ თვით შეადგინოს სავალდებულო წესი ქალაქის ქონების დაცვა-პატრონობისა. საბჭომ გარდასწყვიტა: 1) მიიღოს მხედველობაში მოხსენება ბოროტმოქმედების შესახებ, 2) დაავალოს გამგეობას შეადგინოს მოხსენება საბჭოში წარსადგენად ქალაქის ქონების შენახვის საუკეთესო წესის შესამუშავებლად და 3) გადიდოს 1000 მანეთი პოლიციის დასახმარებლად და ბოროტ მოქმედთა აღმოსაჩენად.

### უცხოეთი

**იპარონია.** იპარონიელი მარკიზი იტო გაემგზავრა ჩრდილოეთ ამერიკის შეერთებულ შტატებში 50,000,000 დოლლარის სასესხებლად რკინის გზების გასაყვანად იპარონიასა და კუნძულს ფორმოზაზე. ნიუ-იორკიდან იუწყებიან, ვითომც იტო დიდად ხელსაყრელს პირობებს იძლეოდეს; პროცენტების და კაპიტალის გადახდის გარანტიას თითონ მთავრება აძლევს.

თხრის კაცს, მაგრამ იმიტომ, რომ კბილის პატრონს უნდა... და თვით კბილიც არ ვარგა... ვაგიგონია ძალათ რომ ვისმეს მოთხარა დალაქმა კბილი?! როგორ გეკადრებათ... დროს ვერ ავყვეით, ვერ დავხვდით მომზადებულნი და დავეცით ზნით, — მეტი არაფერი... უპირველესი ბრალი ჩვენვე გვედება.

— ჰო, მერე, ჩემო ლომკაცი? — მერე და... ასე ერთი საათის შემდეგ, როცა თემში დავბრუნდი, ყვირილ-ღრიალი და ჯგლითი-სირბილი სიცილ-კისკისად და მუსაიდობად იყო შეცვლილი...

ბრუსილოვზე ლაპარაკისათვის რომ ბოლო მოეღოთ, საპატია თავდაზნაურობის თხოვნით მღვდელ-მთავარმა სთხოვა ყველას ბურთის თამაში ისევ დაეწყეთ. არ გაუწბილებიათ მისი თხოვნა, როგორც ქრისტეს მავიერი კაცის, მაგრამ გულიანათ ვეღარ თამაშობდნენ: ყველას ღიმილი და ობზონჯობა ეკრა პირზე წინა წაის ნახულსა და ვაგონილზე. ერთი ვაცინება და ხმა მალღა დალაპარაკება ამ სასაცილო შემთხვევაზე თითოეულისათვის ღირდა თითო სოფლით...

როგორც უქნა მოესწრენ თამაშის გათავებასაც.

ღელღელ ცხვირგმელი შვილებმა გაიტანეს. ორთავე მხარეს ისე ეჭპარებოდა გულის შეგვრება იმ სააშოკო, თვალთ ნანახ ამბავზე ლაპარაკითა და ყბათ აღებით, რომ არც ღელღელს გამტანს დაუცია დიდხანს გამარჯვების კიენია, და არც მეორე მხარეს

**სამხრეთი აზრია.** ბოტასა და იმის რაზმს ინგლისელები ნატალის აღმოსავლეთის მხარეს უპირებდნენ მომწყვდევას; როგორც ეხლა იუწყებიან, ბოტას თავისი რაზმი პატარა რაზმებად დაუყვია და ისე დასხლეტია ხელიდამ ინგლისელებს.

**ისპანია.** მთელი თვის განმავლობაში ისპანიდამ კარლისტების მოძრაობის შესახებ იუწყებიან. სხვადასხვა ვახეთების კორესპონდენტები დარწმუნებით ამბობენ, რომ კარლისტებს ძლიერი ორგანიზაცია აქვთ შექმნილი და მალე რევოლუციონურს მოძრაობას დაიწყებენო. გავისის სააგენტო უარ-ჰყოფს ამ ხმებს, არავითარს კარლისტების მოძრაობას არ ელიანო. „New-York-Herald“-ის კორესპონდენტი იცნობება სერბერედამ, კარლისტების მიტინგზე ქალაქს პერპინიანში გენერალის გურას თავმჯდომარეობით გადასწყვიტეს გადაიარონ ლერდუე, შევიდნენ ისპანიაში და დაიწყონ ამბოხება. ბარსელონაში გუბერნატორს და ჟანდარმების უფროსს მიუღიათ ცნობა, რომ ქალაქს იგუალოდში კარლისტების მოძრაობა უკვე დაიწყავო. იგუალოდი ცნობილი ქალაქია მრავალს სამოქალაქო ომებში.

**ავსტრო-უნგრეთი.** 28 სექტემბერს ქალაქს ლეოვში მოხდა ყრილობა რუსინთა სტუდენტების, ქალების და ვაჟებისა. სტუდენტებმა ერთხმად დაადგინეს, შეამდგომლობა აღძრან მთავრობის წინაშე იმის შესახებ, რომ ლეოვის უნივერსიტეტში პარალელური კათედრები დაარდეს იურიდიულს, სამედიცინო და ფილოსოფიურს ფაკულტე-

დასწყვიტა მაინცა და მაინც გული.

სუფრიდან არავისას არ ამდგარან მეორე დღიამდე. ისე ხალისიანათ იშვიათათ მოუღბენიათ, როგორც მაშინ, მონასიბათ თქმულ შაირებს, იგავებს, მოსწრებულ სიტყვებს ზომა არ ჰქონდათ, როგორც გულით სიცილსაც. ქარაგმით ლაპარაკს ხომ მაშინ. ალო დაუდგა. რაღა თქმა უნდა, რომ ყველაფერი ამის საგანი ბრძანდებოდა ბრუსილოვი... აიღებდა, მაგალითად, სმის დროს ერთი ვინმე ორ ყანწს, ან დანას, ისე შერჩევით, რომ ერთი უგრკესი ყოფილიყო მეორეზე და ეტყოდა მეზობელს: ამ ორში რომელს აირჩევ?

— მე... მე... ამ მოგრძოს: ღვინო უფრო მეტი ჩავა შიგ და ბატონი ბრუსილოვი-კი მოკლეს აირჩევდა, რადგან ის უფრო ლამაზია! ან ღ

— მე ამ მოგრძოს, რადგან უფრო დიდ ნაჭრებს მოგთლი ბეჭს და ბრუსილოვი-კი მოკლეს აირჩევს, მიტომ რომ უფრო მოსახმარია სხვა რამესთვისაც...  
ყველაზე გვიან ლხინი გათავდა იმ ლამაზ ქალისას, მე რომ მოგახსენეთ... თუმცა მისი ქმარი, უჩასნაილიკის მდივანი, წინადლით ფიცხელი მოწერილობის ძალით რაღაც საქმის გამო სხვაგან იმყოფებოდა, მაგრამ ამის არ დახედა სტუდენტ-მოყვარე დიასახლისმა და იმდენს ეცადა, რომ ბრუსილოვი იწვია სადილოთ. უდარბასილესი თავდაზნაურნი, საუკეთესო მომღერლები და მაცეკვარნი მისას ჩავიდნენ, რაკი შეიტყეს, ვინ ჰყავდა

ტებზე და ამ კათედრები დაიქმნა... თა ენაზე იყოს ლექსები... დაადგინეს აგრეთვე, რუსინთა ენა იქმნას შემოღებული უნივერსიტეტის მთავრობის სტუდენტებთან მიწერ-მოწერისა და მოლაპარაკებისათვის, და რუსინთა ენაზედაც მიეცეს უფლება სტუდენტებს სახელმწიფო ეგზამენები დაიქირონ.

### შემაოწიკულეზა

რედაქციამ მიიღო ბნის გრ. ვოლსკის მიერ ოდესის უნივერსიტეტის ღრმად პატრეცემულ პროფესორის ვ. პეტრიაშვილის სახელობაზედ ამავე უნივერსიტეტში სტუდენტის დასარსებლად ბათუმში შეკრებილი 60 მან. (პეტრიაშვილს 30 წელიწადი პროფესორობისა და სამეცნიერო მოღვაწეობისა ამ წელს უსრულდება) და მასთან შემდეგი სია შემომწირველთა:

ტაკიშ-ოლი ახმედმა, — ათი შ., ჯაკობამ პავლემ და სანაძემ სიმონმა — თითო მანეთი, ტაროტაძემ, ოგანუზოვმა მიხაილმა, პაპანდოპოლომ არისტადამ, ენდინჯიანცმა ამბარტუმმა და კესოლიმ თელარემ — ათ-ათი შ.ური, ხაჯი-ოლი ხუსეინმა — აბაზი, ლისენკომ — ხუთი შაური, ირიზელიანმა — ექვსი შაური, თემელ-ოლი მუხტაფამ და ფაკ-ოლი ალიამ — თითო აბაზი, ქარ-ოლი პანაიოტმა — ორი აბაზი, თავანოვმა დავითმა, ოგანუზოვმა იოსებმა და გორგორ-ოლი ფეოლოტამ — ათ-ათი შაური, კოროტკოვმა ალექსემ — სამი აბაზი, ზენინალ კულიევმა — ერთი მანეთი, აირაპეტოვმა კ., რეჯებ-ოლიმ ასანმა, გიგაშვილმა, არნოპოლოსმა ივანემ და კლავჯიშვილმა ივანემ — ათ-ათი შაური, თედორე არჩაიამ და მ.მ. — ორ-ორი აბაზი, გელაზაროვმა ნესტორმა — ათი შაური, ცერცვაძემ კონსტანტინემ — ორი აბაზი, ფირაშვილმა გრიგოლმა, პისტოპოლომ ილიამ — ათ-ათი შაური, გიორგი კუკულაძეა და გრიგორი დანილოვმა — თითო მანეთი, მ.მ. და მ.მ. — ათ-ათი შაური, მ.მ. — ექვსი შაური, ლავრენტი ზუნგამ — ერთი მანეთი,

სტუმრათ... მეც იქ გეხველი. სამაგალითო მასპინძელი იყო და სტუმრებმაც შევნიერათ მოუღბინეს... უზარ-მაზარ ქანდრებს ქვეშ გამლილ სუკრას ორი დღე და ღამე არ დაკლებია არაფერი, რაც პირს იამებოდა და კუქს დაატკობდა.

სანთლის ანთებისას დიასახლისის თავი ასტივდა, გვითხრა, ჩემს მაგივრობას ეს ჩემი ნათესავი მხეჯავარი გაგიწვესთო და თითონ წავიდა. შუალამისას, როცა ცოტა გაუჯდა თავში საჯაოხურის წვენი, ბრუსილოვმაც ბოდიში მოითხოვა, ხვალ აღრე ვარ წასასვლელი საქმეების გამოვო და დასაძინებლათ წაბრძანდა. გზაზე გავვეგე ფეხქვეშ და წამოფუყაქე რაც-მქონდა შესავედრებელი... კარგი, კარგიო დამპირდა, მაგრამ რათ გინდა... დაპირება ქართლური იყო და მოტყუილება რუსული... —

უცბე შედგა ჩემი ცხენი და ჩემი თანამგზავრის ჯორიცი. თურმე მასპინძლისას მიგუსულიყავით. ქუიანმა პირუტყვებმა შეცვარტყვეს, რომ რა საგნისათვისაც მათს ზურგზე შევსხვდით, იმას გადავცილდით და თავისით შედგნენ. მასპინძლებმა მოგვკრეს თვალი და ისე გულ-მხიარულათ გამოგვეგებენ, რომ ჩემი ყრონტიც გაიტაცა მათთან დარბასილურათ მისაღმების მზადებამ. ეხლა სულ ბუკით რომ გეყვირათ, მას ვეღარ ვაგონებდით ვერც ბრუსილოვს, ვერც მისი ატმანის „მოკლეს“ და ვერც მანდილაშივლის „მოჰკლეს!“...  
თ. მაგამძე.

ხასან ზეინალ-ოლიმი—ორი აბაზი, არსენ იმედიშვილი—ორი აბაზი, გიორგი სანაძემ, აბდულ ალი-ოლიმი და გეორგი ბოზინაძე—ათ-ათი შაური, გელსტოვა ა. —ორი აბაზი, მელიტონ კაკაბაძემ, ქრისტეფორე ხანთაძემ, იაგორ გიგაშვილი და კონწელიძე უსუფ აღამ—ათ-ათი შაური, აბაზ-ალი რიზა-ოლიმი და ნიკელოზე სარდაძემ—ექვს-ექვსი შაური, ლევან ჟვანია—ერთი მანეთი, ბერტმან კარპოვიკიმ—სამი მანეთი, ს. ნ. რუხაძემ—სამი შაური, ჟინელმა—ქვსი შაური, ლაგინაულომი—ორი აბაზი, ოვანეს უმანოვა—ორი აბაზი, კ. ი. კერაზინსმა, ბეჟუშვილი ნესტორმა, მუსტაფა-ოლი ეუბემ, მურზა ქვარცხავამ და სპირიდონ გურგენიძემ—თითო მანეთი, დურმიშ ოლი მუსტაფამ—ორი აბაზი, მამა-აბაზი, რეიზ ოლი ოშურმა—ათი შაური, ივანე გუგუშვილი და ივანე გულუამ—თითო მანეთი, ზურამ ბარძიმიშვილი—ორი აბაზი, ბარაკ დარშანიანმა და მიხაილ სარდაძემ—თითო მანეთი, ხან ოლი ალა ხასანმა—ათი შაური, კახიანმა რაქდენმა—ხუთი მანეთი, არტემ დურგალოვა—ათი შაური, კირილე ჯორბენაძემ—ერთი მანეთი, ყაზარ ასატუროვამ, პაპო იზრაილოვამ, დავით შარაბოვამ, ასატურ ნიკოლოსიანცმა და როსტომ კვახაძემ—ათ-ათი შაური, პეტრე ესიავამ—სამი აბაზი, იაკობ ტამაზოვამ, ფარნა იოსავამ, ივანე მანტიკოსიმ, არხიზ გამყრელიძემ, არსენ სანიკიძემ, ბესარიონ გორდაძემ, ქიშვარდი ნიკოლაიშვილი, მამა-ლიანამიძემ, შვერდი დავიდოვამ, ქრისტეფორე ხანთაძემ, ანბატელოვამ, ექვთიმე ბეჟიამ, თაღვალ კალაძემ, ივანე ნოდარი და ჯაბულო შავლიამ ათ-ათი შაური, გ. ვოლსკიმ—ერთი მანეთი და სამ-აბაზ უზალთუნი, სულ—60 მანეთი.

**შურნალ-გაზეთებიდან**  
(ამოკრებილი ამბები)

ერთ ნემენცურ ჟურნალში („Das Magazin für Litteratur“) იბეჭდება ვრცელი წერილები რუსეთის ლიტერატურის შესახებ. ავტორი ბენო დიდრიხი პუშკინიდან იწყობს და აი, სხვათა შორის, რასა სწავს: „რუსეთის ლიტერატურა ჩვენში მოად გარდაიქცა. მწერლობა ქება-დიდებით იხსენიებს ლეო ტოლსტოის; გაზეთები მრავალ წერილებსა პბეჭდვენ „ჩაგრულთა პოეტის“ მაქსიმ გორკის შესახებ. ყველგან შეხვდებით წერილებს და ფელეტონებს, რომლებშიც მკითხველებს აცნობენ ჩეხოვისა, კოროლენკოსი და რუსთა სხვა მწერლების ნაწარმოებებს. ამ მოღვაწეობაში ერთნი დიდად და დიდად აქებენ რუსეთის ლიტერატურას, მეორენი კიდევ ეჭვის თვლით უყურებენ. ასეთი უკიდურესობათგან სწორს და მართალს სიტყვას ვერ მივღებთ, ხოლო ასეთი სწორი სიტყვა დიდად საჭიროა ჩვენთვის, რუსეთის ლიტერატურა თავისებური ნაყოფია თავისებურ დროს და თუმცა იგი კვალ-და-კვალ მისდევდა ვერძის „გონებრივ მოძრაობას, მაგრამ არგინალური სიმშვენიერეს მაინც არ არის მოკლებული, რუსეთის ლიტერატურის გაცნობა პუშკინიდან უნდა დაიწყოს; პუშკინია ლიტერატურის ახალ ხანის მამად-მთავარი.“

როგორც გაზეთები გადმოგვცემენ, ოსტროვსკის ღრამა „Проза“ კ. ესივეს ოსტრს ენაზედ გადაუთარგმნია.

ამას წინადა ქრისტინიაში არსებულ გეოგრაფიულ საზოგადოების კრებაზედ ნორვეგიელ მკვლევარს კარლ ლუმგოლცს საინტერესო მოხსენება წაუკითხნია იმ მექსიკელ ინდიელთა შესახებ, რომელნიც დღემდე გამოქვაბულებში ცხოვრობენ. ავტორს დაწვრილებით აუწერია ამ ინდიელთა ცხოვრება, იმათი ზნე-ჩვეულებანი, ხასიათი, წყობილება. ეს ინდიელები დასავლეთ სიერა-მადრეში სახლობენ და დღესაც ისე სცხოვრობენ, როგორც ამ ათასის წლის წინად. ლუმგოლცი იმათ შორის დასახლებულა. ველურნი ისე შესჩვევიან, რომ ერთ წინამძღოლს ცოლად თავისი ქალი-კი შეუძლებია. ეს წინადა-

დება უარ-უყვია, მაგრამ მათი მეგობრობით კარგად უსარგებლობია და შეუსწავლია იმათი ენა, სარწმუნოება, ჩვეულებანი. ბევრი საინტერესო ნივთები წაუღია, იმდენი ლუმგოლცს, ნაწილი ამ ნივთებისა ნიუ-იორკის მუზეუმისთვის შეუწირნა. ამ ყაზად ლუმგოლცი დიდ შრომას აშხადებს თურმე ამ ინდიელთა შესახებ.

ერთი ჩიკაგური გაზეთი საინტერესო ცნობებს გადმოგვცემს მტურნალ ქალთა რაოდენობის შესახებ მთელ დედამიწის ზურგზედ. როგორცა სჩანს, მთელ დედამიწაზედ 8,000 მტურნალი ქალი ყოფილა აქედან შეერთებულ შტატებში—6,000, ინგლისის იმპერიაში—400, რუსეთში—700 (?), საფრანგეთში—85, იტალიაში—20. იმ ოთხში 133 საავადმყოფოში მტურნალებად მხოლოდ ქალები არიან. ერთი მტურნალი ქალი ქაიროშია, ერთიც ალექსანდრიაში, ერთი შვეიცარიელი ქალი მკურნალად არის აბაშეთის ნეგუს მენელიკთან. იტალიის დედამიწის ლეიბ-მტურნალიც ქალია.

ამას წინად პარიზში ერთ არისტოკრატიულ ოჯახს საგანგებო სადილი გაუმართეს. როდესაც სტუმრები სასადლო ოთახში შეკრებილან, ორ რამეს მიუქცევია იმათი ყურადღება: ერთ იმას, რომ სტოლზედ საძმელების მენიუ არსადა სჩანდა, მეორე კიდევ—სტოლზედ შუა ადგილას იდო უზარმაზარი კონა ცოცხალი ყვავილებისა როდესაც პირველი კერძი გაუთავებიათ, ყვავილებს შორილი დაუწყვიათ და ცოცხალი ხანს უკან ამ ყვავილებიდან ამოსულა ცნობილი მშობელთა ქალი მარგარიტა დევალი, სიმღერა დაუწყია და ამ სიმღერაში შეუქცია შემდეგი ოავე საქმელი. ასე ყოველ თავის შემოტანის წინ ქალი ყვავილიდან ამოდირდა და მღეროდა

**დებემა**

(„რუსეთის დეპეშათა სააგენტოსაგან“).

**8 ოქტომბერი**  
**პეტერბურგი.** 8 ოქტომბერს დაბრუნდა პეტერბურგში დიდის მთავრის ვლადიმირის ასული ელენე. 8 ოქტომბერს მოვიდა დიდი მთავარი ნიკოლოზ მიხეილის ძე.

**ოღმესა.** ზღვაზე ეს ოთხი დღეა ძლიერი დღეუა. სიცივეები დადგადლისით 5 გრადუსია.

**ნიშნი-ნოვგოროდი.** სორმოვის დამბის აგების დროს ჩადენილ ბოროტ-მოქმედებათა საქმე. დამცველთა სიტყვების შემდეგ კრება გადასდევს და დღეს განახლეს. პალატამ, ნახევარ საათის თათბირის შემდეგ, წაიკითხა განაჩენი, რომლითაც ინჟენერ ალექსანდროვს გადაეწვიტა ყოველისავე განსაკუთრებულ უფლება-უპირატესობის ჩამორთმევა და ერთის წლით საპრობილეში დაპატიმრება; ინჟენერს შნაკებურგს გადაეწვიტა სასტიკის საყვედურის გამოცხადება, მაგრამ სასჯელისაგან იგი მანიფესტის გამო განთავისუფლებულ იქმნა. დანარჩენი ექვსი ბრალდებული გაამართლეს; დავა 50,000 მნეთის შესახებ უკურადღებოდ იქმნა დატოვებული.

**მოსკოვი.** აღმოაჩინეს, რომ ქალაქის საყაბოსთან არსებულ ქონის ქარხნებიდან სისტემატურად ქონი უპარავთ. აკლია 100 ათას მანეთის ქონი. იპარავდნენ მუშებიც ჰყიდნენ იაფად ველოკიმოვის სახნის ქარხანაში.—დღეს სამაზრო საერობო კრებას ლაპარაკი ჰქონდა პუშკინის სახელობის უმაღლეს სახლობო სკოლის დაარსების შესახებ.

სკოლაში უნდა ასწავლონ ისეთი საგნები, რაც გოლებ-კაცის ცხოვრებაშია გამოსაყენებელი.

**სოხუმი.** დღეს დილით პრინცი ალექსანდრე პეტრეს ძე ოლდენ ბურგისა „ქსენიას“ გემიდგან სოხუმის ოლქის სოფელ გაგრში გადავიდა სანატორიის გასამართავად სახანო ადგილზედ, რომელიც ნიწად-მოქმედების მინისტრმა გადასცა.

**გაბაბა.** ბურთა დელეგაციას ისეთი ცნობა არა მოსვლია-რა, რაც უარსა ჰყოფდეს ამბავს დევეტის სიკვდილის შესახებ. ბურების დელეგატებს არა სჯერათ ეს ამბავი; იმათის აზრით, დევეტის უმოქმედობა სხვა მიზეზით აიხსნება.

9 ოქტომბერი.

**პეტერბურგი.** მისის უდიდებულესობის საკუთარ კანცელარიის მთავარი გამგე ტანევი დაბრუნდა და თანამდებობის ასრულებას შეუდგა.—შავის ქირის მხრით საშიშოდ არის ცნობილი კონსტანტინე პოლი და ნუმეა (ახალ კალენდონიაში).

**ნილოვიცი.** შექსნაში წყალმა ძლიერ იკოო. ბურკოვიდგან ჩიკამდე გემები ვერ დადიან.

**პრამორია.** 2 ოქტომბერს გამოქვეყნებულ იქმნა ახალი სია ბურების ტყვე-წინამძღოლთა, რომელთაც სამხრეთ აფრიკიდან განდევნა გადაუწყვიტეს. სიაში 12 კაცია მოქცეული, რომელთა შორის შიპერსიც არის.

**ლონდონი.** ინლოეთის ვიცე-კოროლი დეპუშით იუწყება, რომ დიდი წვიმები მოვიდა ბენგალიასა, ორისსა და გაიდერაბადის შუა პროვინციების აღმოსავლეთ ნაწილში. მოსავლისათვის საკმაო წვიმა მოვიდა ბერარსა, ჩრდილოეთ დეკანსა და გატმერეტში. მოსავალს ეხლა უფრო კარგი პირი უჩანს, მაგრამ რაჯპუტანში შემოდგომის მოსავალი ცუდია. გუდშერატსა, მალესა, ბავაპარსა და რაჯპუტანში მოსავალი თითქმის სულ დაიღუბა. აიშარის, პენჯაბის და სხვა ადგილების სარწყავ ოლქებში კარგის მოსავლის იმედია.

**სოფია.** გუმინდელს დამატებით არჩენებზედ მთავრობის დასების მომხრე არჩეულ იქმნა 18 კაცი, მათ შორის 11 ცანკოვისტია და 7 კარავედოვის დასის წევრი.

**პეკინი.** აქაურმა უმაღლესმა მოხელეებმა ცნობა მიიღეს, რომ ტახტის მემკვიდრე დანიშნული იქმნება იმპერატრიცისა და პრინცის ცინის კაიფინში შეხვედრამდე, სადაც საზოგადო თათბირი მოხდება სახელმწიფო საქმეების გამო. ამბობენ, რომ იმპერატრიცის კანდიდატად ტუანის ძმის-წული ლუნბეიძიაო. რეფორმების მომხრე დასი წინააღმდეგია ამისა და ჰფეკრობს, რომ, თუ იმპერატრიცა თავისას არ დაიშლის და ამ კანდიდატურაზედ ხელს არ აიღებს, სახელმწიფონიც წინააღმდეგნი იქმნებიან.

ესპანიის ელჩი კოლოვანი ხელ პეკინიდან მიდის. სადიპლომატო კორპუსში უფროს ელჩად ეხლა ავსტრიის ელჩი ბარონ ვალბორნი იქმნება.

**გ ა ნ ც ხ ა დ ე ბ ა ჩ ი თ ე უ ლ ი**  
**ს ა ა ფ თ ე ა ქ ო ს ა ქ ო ნ ლ ი თ მ ო ვ ა ქ რ ე**  
აძიერ-კავკასიის ფარმაკეგტა ამხანაგობის  
**დ ე კ ო**  
იმყოფება ტფილისში მუხრანიანთ ქუჩაზე, ქალაქის სამკურნალო გვერდზე. ამხანაგობა, სამკურნალო წამლებისა და სადიპლტაქრო მასალო-იარაღის გარდა, ჰყიდის ავადმყოფთა მოსავლელ და ოჯახში სახმარებელ ყოველ გვარ საქირო საგნებს: სარეცხისათვის, საქმელებისათვის, ქურჭლისათვის და სხვ.  
დებოში ბლომად მოიპოვება აგრეთვე საზღვარ-გარეთისა და რუსეთის ცნობილ ფირმების პარფიუმერია და კოსმეტიკა (საპირფარეშო სამკაული).  
ქალაქს გარედ მცხოვრებთ შეუძლიანთ ფოსტითაც (აიისარო) რაც დასჭირდებათ (თუნდა მცირედიც იყოს) და ფასი ფოსტაშივე გადაიხადონ.  
**გ ა ნ ყ ო ფ ი ლ ე ბ ა**  
სასახლის ქუჩაზე, დ. ზ. სარაჯიშვილის სახლში.  
აღრესი ფოსტისა: Тифлисъ, т-во Фармацевтовъ —провизору Алхазову.  
(100-43--97)

**პ ა ს ი ვ კ ა ე უ ლ კ ა რ თ ვ ა ლ ს ა ზ ო ვ ა ლ ო უ ჯ ა ს**



გვაქვს პარტივი ვაწყვეთა რომ ამ დღეებში ჩვენმა ვაჭრო ფირმამ საზღვარ-გარეთიდან მიიღო მრავალი ხელოსანი ან ფეხის საკრავი მაშინა სხვა და-სხვა ფაბრიკებისაგან. ჩვენი საქარო ფირმა პირიანად ჰყიდის სხვა და-სხვა სისტემის ნაწინებს ამასთან მყიდველს დემონტაჟიონა მომეტებული პრაციტით, ვიდრე სხვაგან სადიპლომისში რისთვისაც ყველამაშინის შექმნის მ უ რ ე ლ ე ვ ს ო ვ თ მობმანდს და ვაწყვეთს სინამდვილეში ფირმის წარმომავალი ნივთები.  
გოროგი ანდრეას ძე ლაზარაშვილი და დიმიტრი დავითის ძე ჯუმუხაძე.  
აღრესი: სონის ქუჩა, მაისურაძის და ხოჯაფარუზოვის ქარვასლა, № მად.ზ.ისა და 53.  
ტელეგრაფის აღრესი: ტფილისი, ლაზარევი და ჯუმუხაძე, ტელეფონი 751.  
(25-16--15)

**СЪ СЕНТЯБРЯ**  
**ОТКРЫТА ПОДПИСКА НА IV-Й ГОДЪ**  
(съ октября 1901 по октябрь 1902)  
Ежемѣсячнаго Иллюстрированнаго Издания:  
**ИСКУССТВО**  
И  
**Художественная Промышленность,**  
выходящаго безъ предварительной цѣназурѣ подѣ ред. Н. П. СОВКО,  
съ однотонными и многоцвѣтными снимками въ тексты и на особыхъ листахъ  
Съ 1901 г. журналъ печатается въ собственной типографіи.  
ПОДПИСНАЯ ЦѢНА въ годъ за 24 №№ съ особыми приложениями  
(въ общемъ до 1000 стръ текста и около 500 снимковъ): безъ дост. 8 р.  
съ дост. и перес. 10 р.; за гран. 12 р.  
Разсрочка допускается на условіи взносовъ: 1) по 5 руб. въ полугодъ (въ сентябрѣ и февралѣ); 2) по четвертямъ года—по 3 руб. при подпискѣ и въ началѣ 2-го полугодія (въ февралѣ) и по 2 руб. черезъ три мѣсяца послѣ 1-го и послѣ 2-го взноса; 3) по мѣсячно (исключительно для городскихъ подписчиковъ) — по 2 р. при подпискѣ и по 1 р. въ теченіи слѣдующихъ 6-ти или 8-ми мѣсяцевъ.  
Въ отдѣльной продажѣ—по 1 р. за книгу журнала и по 25 к. за № «Хроники» безъ перес.  
Пробная книжка высылается лишь по присланнымъ 1 р., съ наложніемъ почтовыхъ расходовъ на самую отпавку, причѣмъ рубль этотъ зачисляется въслѣдствіи при подпискѣ на журналъ.  
Тисненныя коленкоровыя съ кожанними корешками покрываюи обходятся по 1 руб. на каждый томъ безъ перес.  
Иногородныя подписчики во избѣжаніе излишнихъ проволочекъ въ доставкѣ подписки черезъ книжные магазины, благоволятъ обращаться преимущественно въ Главную Контору: С.-Петербургъ, Почтамтская, 10.  
Книгопродавцамъ и ищущимся дѣлается уступка отъ 40 до 60 процъ съ годового экземпляра, смотря по роду подписки.  
За перемѣну адреса взимается 50 коп. деньгами или почт марками.  
Оставшіеся въ небольшомъ количествѣ полныя экземпляры первыхъ 3-хъ лѣтъ журнала того же наименованія продаются по 10 р., съ пер. по 12 р.  
(3--11--3)